

113 年全國語文競賽原住民族語朗讀 【拉阿魯哇語】 高中學生組 編號 4 號

tam siasasangara taluamacicia

aucaucani ari taluamacicia, rianu siasasangara angatu. siasasangara
kana'ana, kupa takua'alivatana, ihlaila muarahlua.

aariaari maivuvurunga, uka'a ina'a pialumulumulumu makuvau,
uka'acu mumua vahliungu pakiaturua, tamuucuaku pi pasamia matasa'ai
taaru pausaliri. kupi tukutukua taramuaru pasaurukucu,
kuuruahlu parucarucaku pakiaturua. takacihli takumu'au ia usiacu
pakiaturuana. ihlaila'ai hlicalivaku mulungusu siangusipa umiipuna,
mataingalu mavacangukia ucani vurunganu, ihlaila matalakiahlu tukutukua.

miungu kulupungu kumamahlipapu, tam macicia tahliariana, ma
hlisahlikua sasaruana rumahlau. makihluhlu papiaini tukucu,
kiulusu mahlukua patuku lakua pasaulaula'u. marumiamu ramucu
marakauru sahlumu, pukua tihla'ahluisa tukucu, kani'i parikakua naania
vahliungu hlipacaca, kana'a vahliungu hlipacacana, ihlaila
mavacangu vahliungu hlipacaca ma kani'i saruana.

akuisa pasalupungu pasaulaula'u rumahlau, maruamu kalahlapa kiu'u
tupuru, pasaulusu pi sipakakarikari pi sipacaca, tamuucu
mavacangu pasamiaisa. umusahlu rumahlau, patasuuru aramainia usahlu ia,

kutarakakukua hliarucarucakua hlamama, mahlava saungana, maru
matarungurungu uamiana musasala, maricataisa marimucucu
mavacangu varatu. kiariari pasakurukuru musa umiipu arakukacu mumua.
maru maci aihla saungana, tumapara tararunguru tihla'ahlukia,
mulumulumu pi mavacangu tacacuruna.

milupungicu rumahlau, tupuru hlipatuvuia ta'uhla, talalungusu kumita
langica valahluvahlu. kulupungu kumamahlipaou rumahlau, patapuahlicua
tahliaria, tamuucu mavacangu kamakita, umarumia kani'i pasamiana,
tupuruaku ahliacuvungaku tunauna, ausi siruamia kiariari tauau.
maritara'uhla siasasangara taluamacicia, uvura ihlaku sialatalakiahla hla
siasasangara. mavacangua tahliarianasumahlikua acacacihli
masasangaru cucu'u. tuahlua acancacihli cucu'una, masasangaru ma kani'i
mavacangu langicana mangisipi.

快樂無限暑假

暑假的每一天都開心地不可言喻，那種興奮不是一片刻的流動，而是永久的存留。

每天早晨，沒有了媽媽急促的催叫聲，沒有了鬧鐘聲，我毫無拘束地在夢中暢遊著，不用擔心遲到、老師的訓斥。當醒來時，看看鬧鐘已經九點多了，也許這是我近來最舒服的一夜。

中午，當太陽火辣辣地照耀著大地的時候，約出幾個非常要好的朋友一起來到的水池邊嬉戲，也許這時的笑聲，是世上最快樂純真無暇的笑聲。

當嬉戲完後，我們便坐在松樹下面有說有笑。下雨時，就帶上雨傘，走在濕潤的小路上，大口大口呼吸著新鮮的空氣，昔日上學的緊張與繁重，便一掃而光。有時還將雨傘收起，讓自己受著小雨的滋潤，頓時一種莫名奇妙的清爽便迎上心頭。

雨後，看著天邊那道神奇而美麗的彩虹。下午，夕陽斜照，溫柔而美麗，借著這無聊的時光，便無拘無束地在網中遨遊。享受快樂而又幸福的暑假，給我帶來了無限的輕鬆，太陽照射著我們每一個快樂的人。